

大唐開元禮



大唐開元禮



大唐開元禮卷第一百十九

嘉禮

四品五品嫡子冠

將冠筮於廟門之外主人

謂將冠者之父兄

公服立於門東

西向掌事者各服其服立於門西東面北上布筮席於闕西闕外西南筮者開韝出策兼執之東面受命於主人主人曰爲嫡子某某日加冠庶幾從之筮者曰諾進就筮席西面以韝擊策遂述曰假爾泰筮有常某爲嫡子某某日加冠庶幾從之乃釋韝坐筮訖興降席東面稱占曰從筮者退若不吉則筮遠日如

初儀贊禮者進主人之左告禮畢掌事者徹筮席

前三日筮賓如求日之儀

筮賓筮其可使冠子者

前二日主人

戒賓及贊冠者主人至賓大門外掌次者引之次主人公服出次立於門外之西東向賓公服立於阼階

下西面賓者公服進於賓之左北面受命出立於門

東西面曰敢請事主人曰某之子某將加冠請某子

教之

相稱各隨官爵

賓者入告賓出立於門東西面再拜主

人答拜主人曰某之子某將加冠願吾子教之賓曰

某不敏恐不能供事以辱吾子敢辭主人曰某猶願

吾子教之賓曰吾子重有命某敢不從主人再拜賓

答拜主人還賓拜送主人戒贊冠者亦如之亦通使子弟戒

之前一日掌事者設次於大門外之右南向其日夙

興贊者設洗於正寢阼階東南東西當東霤南北以

堂深疊水在洗東加勺冪篚在洗西南肆實巾一於

篚加冪席於東房內西牖下無房者張帷為之陳服於席東

領北上冕服青衣纁裳四品絺冕服三章一章在衣粉米二章在裳黼黻五品玄

冕衣無章裳刺黼一章白紗中單青領標襪裙革帶鉤簪大帶

素帶紕其垂外以玄內黻絺冕山一章劍飾以雙佩

以黃紐約皆用青組黻玄冕無章劍金雙佩

水蒼雙綬四品青綬三品青白紅純青質長一丈四尺一百四十首廣七寸五品墨綬二綵青

紺純紺質長一丈二尺一尺一百首廣六寸皆有朱韞赤

小雙綬長二尺六寸色同大綬而首半之

烏進賢冠服絳紗單衣白紗中單阜領標襪裙白裙

襦赤裙革帶鉤釐假帶曲領方心絳紗蔽膝白鞵黑

烏劍佩雙綬緇布冠服青衣素裳素鞵中單革帶劍

同鞵烏與進賢冠同緇纚櫛簪同箱在服南纚今用阜巾方六

蒲筵四緇布純加萑席四玄帛純又在南側尊甒醴

在北加勺冪設筐在側尊北實角觶角枳各一加冪

饌陳於筐北枳以角為之狀如匕饌用少牢及腊三

脯棗栗之屬豆實菹醢之類設洗於東房近北罍水在洗西筐在

洗東北肆實以巾質明賓贊至主人大門外掌次

者引之次賓贊公服諸行事者各服其服執尊罍筐

者皆就位冕

緇冕垂青纁充耳角導玄冕三旒餘同緇冕之

服

進賢冠兩梁纓青綬導緇布冠青組纓冠冕各一

箱各一人執之侍於西階之西東面北上設主人之

席於阼階上西面賓席於西階上東面冠者席於主

人東北西面主人公服立於阼階下當東序西面諸

親公服非公服者常服立於罍洗東南西面北上

尊者

停別室

儻者公服立於門內道東北面將冠者雙童髻

雙玉導金飾綵袴褶錦紳烏皮履立於房內南面主

人之贊冠者公服立於房內戶東西面賓及贊冠者

出次立於門西贊冠者少退俱東面北上儻者進於

主人之左北面受命出立於門東西面曰敢請事賓
曰某子有嘉禮命某執事領者入告主人迎賓於大
門外之東西面再拜賓答拜凡賓主拜揖入出皆贊禮者相導主人
揖贊冠者贊冠者報揖主人又揖賓賓報揖主人入
賓及贊冠者次入及內門主人揖賓賓報揖主人與
賓入贊冠者從之至內雷將曲揖賓報揖至階主人
立於階東西面賓立於階西東面主人曰請吾子升
賓曰某備將事敢辭主人曰固請吾子升賓曰某敢
固辭主人曰終請吾子升賓曰某敢終辭主人升自
阼階立於席東西向賓升自西階立於席西東向贊

冠者及庭盥洗升自西階入於東房立於主人贊冠者之南俱西面主人贊冠者引將冠者出立於房戶外之西南向賓之贊冠者取纚櫛簪箱跪奠於冠者筵南端興席北少東西面立賓揖將冠者賓主俱卽席坐將冠者進升席西面坐賓之贊冠者進筵前東面跪脫雙童髻置於箱櫛畢設纚興復位立賓降盥主人從降賓東面辭曰請吾子不降主人曰吾子降辱敢不從降賓至盥洗盥手訖詣西階賓主一揖一讓升主人立於席後西面賓立於西階上東面執緇布冠者升賓降一等受之右執項左執前進將冠者

筵前東面立祝曰令月吉日始加元服弃爾初志順爾成德壽考維祺介爾景福乃跪冠興復西階上席後東面立賓之贊冠者進筵前東面跪結纓興復位冠者興賓揖冠者冠者適房賓主俱坐冠者著青衣素裳之服出房戶西南面立賓主俱興賓揖冠者冠者進升席西向坐賓之贊冠者跪脫緇布冠置於箱櫛畢設纓興復位賓降二等受進賢冠右執項左執前進冠者筵前東面立祝曰吉月令日乃申爾服敬爾威儀淑慎爾德眉壽萬年永受胡福乃跪冠興復

賓之贊冠者跪設簪結纓興復位冠者興賓揖冠

者冠者適房賓主俱坐冠者著絳紗服出房戶西南
面立賓主俱興賓揖冠者冠者進升席西向坐賓之
贊冠者跪脫進賢冠置於箱櫛畢設纚興復位賓降
三等受冕右執項左執前進冠者筵前東面立祝曰
以歲之正以月之令咸加爾服兄弟具在以成厥德
黃耆無疆受天之慶乃跪冠興復位賓之贊冠者跪
設簪結纚興復位冠者興賓揖冠者冠者適房賓主
俱坐主人贊冠者徹纚櫛簪箱及筵入於房又設筵
於室戶西南向冠者著冕服出房戶西南面立賓主
俱興主人贊冠者盥手洗解於房酌醴加柶覆之面

菜出房南面立賓揖冠者冠者就筵西南面立賓進受醴於室戶東枳面枋進冠者筵前北面立祝曰甘醴維厚嘉薦令芳拜受祭之以定爾祥承天之休壽考不忘冠者筵西拜受觶賓復西階上東面答拜執饌者奉饌薦於冠者筵前冠者升筵坐左執觶右取脯孺於醢祭於籩豆之間贊冠者取肺一以授冠者冠者奠觶於薦西興受卻左手執本坐右絕末以祭上左手嚙之興以授贊冠者加於俎冠者坐悅手取觶以枳祭醴加枳於觶面菜興筵末坐啐醴建枳興降筵西南面跪奠觶再拜執觶興賓答拜賓主俱坐

冠者升筵跪奠觶於薦東興進北面跪取脯降自西
階入見母進奠脯於席前退再拜以出冠者母不在
則使人受脯於西階下初冠者入見母賓主俱興賓
降當西序東面立主人降當東序西面立冠者既見
母出立於西階之東南面賓少進字之曰禮儀既備
令月吉日昭告爾字爰字孔嘉髦士攸宜宜之于嘏
永受保之曰伯某甫冠者曰某雖不敏夙夜祇奉賓
出主人送於內門外主人西面請賓曰吾子辱執事
請禮從者賓曰某旣得將事敢辭主人曰敢固以請
賓曰某辭不得命敢不從賓就次主人入初賓出冠

者東面見諸親諸親拜之冠者答拜冠者西面拜賓之贊冠者贊冠者答拜訖見諸尊於別室賓主既釋服改席訖興眾賓俱出次立於門西東面主人出門東西面主人揖賓賓報揖主人先入賓及眾賓從之至階一揖升各就座後立定俱升坐會訖賓主俱興賓立於西階上贊冠者在北少退俱東面主人立於東階上西面眾賓降立於西階下東面掌事者以幣篚升授主人於序端賓北面再拜主人進立於楹閒南面賓進立於主人之右俱南面賓受篚退復東面位主人還阼階上北面拜送賓降自西階從者訝受

幣賓出主人送賓於大門外之東西面再拜賓退主人入孤子則諸父諸兄戒賓冠之日主人髻而迎賓拜揖讓如冠主冠於阼醮之及禮賓拜送如上儀明日見廟冠者朝服質明贊禮者引入廟南門中庭道西北面贊再拜訖引出

大唐開元禮卷第一百十九

大唐開元禮卷第一百二十

嘉禮

四品五品庶子冠

將冠筮日筮賓如嫡子之儀 前二日主人戒賓及

贊冠者 前一日掌事者設次於大門外之右南向

其日夙興贊者設洗於正寢阼階東南東西當東雷

南北以堂深疊水在洗東加勺冪筐在洗西南肆實

巾一爵一於筐加冪席於東房內西牖下無房者張帷爲之

陳服於席東領北上冕服青衣纁裳四品絺冕服三章一章在衣粉

米二章在裳黼黻五品玄冕衣無章裳刺黼一章白紗中單青領標襪裙革

大唐開元禮卷第一百二十